

Den programa di urgencia di Comision di coordinacion:

DENTRO DI UN LUNA DECISION MESTER CAI ENCUANTO FONDO DI SOLIDARIDAD

ORANJESTAD(AAN)—
E comision di coordina-
cion pa hechucion di e
resolucionnan di Confe-
rencia di Mesa Rondo
a duna di conoce cu pa
concretiza e resolucio-
nan aki, mester bini mas
pronto posibel cu un pro-
grama di urgencia.

Algun di e elementonan

di e programa di urgencia
aki ta cu dentro di algun
siman mester tin un deci-
sion encuento forma di
cooperacion entre Anti-
llas Hulandes y Aruba y
encuento e forma di coo-
peracion ariba tereno mo-
netario y economico.

Dentro di un luna deci-
sion mester ser tuma en-
cuento contribucion, ta-

maño y structura di e
fondo di solidaridad.

Prome cu luna di mei
Staten Generaal mester
trata cambianan di Sta-
tuut, mientras cu trata-
mento den Staten di An-
tillas Hulandes mester tu-
ma lugar prome cu fin di
juli, pa motibo cu den
Eilandsraad di Aruba,
den dos session mester

tuma lugar tratamiento di
e cambianan di Statuut y
concepto di Staatsrege-
ling di Aruba eventual-
mente. E segundo trata-
mento ta tuma lugar des-
pues di eleccion y e con-
cepto di Staatsregeling
mester ser aproba des-
pues ainda pa gobierno di
Reino.

Bestuurscollege di Aru-

ba mester tin determina
prome cu fin di maart e
texto concepto di e con-
stitucion; y finalmente pa
mas tarda mei mei di e
año aki cada empleado di
Gobierno Central na Aru-
ba mester ta di su posi-
cion di derecho cu e lo
haya for di dia prome di
januari 1986.

BILLETE ARUBANO NO TA BINI CLA PA PROMER DI JANUARI 1986

ORANJESTAD(AAN)—
Segun decision di Confe-
rencia di Mesa Rondo, pa
dia prome di januari
1986 Aruba por trece
den circulacion su propio
moneda y billetenan ban-
cario.

E acuerdo politico aki a
ser confronta den senti-
do cu un cooperacion
monetario ta condicion
pa esaki.

Tambe cu bosta ariba
introduccion di moneda
Arubano, ta necesario un
cooperacion monetario.

Teniendo cuenta cu e
consecuencianan finan-
ciero economico cu cera-
mento di refineria di La-
go, pa Aruba y pa Anti-
llas Hulandes, Aruba mes-
ter studia ki consecuen-
cia esaki lo tin ariba emi-
sion di moneda Arubano
pa dia prome di januari
1986, manera a combini
durante Conferencia di
Mesa Rondo.

Ademas Aruba mester
hechuta algun operacion
tecnico.

Trahamento di moneda
y billetenan bancario
Arubano lo tuma tempo.

No ta ser spera ningun
problema cu trahamento
di moneda Aruba, te asi-
na leeuw cu por ser mira.

Pero pa trece den circu-
lacion billetenan banca-
rio (placa di papel) Aru-
bano si tin problema.

Tecnicamente no ta po-
sibel pa imprimi placa di
papel Arubano prome

cu dia prome di januari.

Henter e proceso di di-
seño y imprimi e billete-
nan aki ta tuma mas o

menos un año y mei di
trabao pesey lo mester
busca alternativanan
mientrastanto.

Finalmente segun e rap-
port di e tres expertonan
financiero economico,
mei mei di e año aki Aru-

ba mester tin su propio
Banco Central den funda-
cion cu directiva y perso-
nal.

IMPRENTA NACIONAL ARUBANO

PA TUR BO TRABAONAN DI:


- ** POSTERS
- ** ENVELOPES
- ** LETTERHEADS
- ** BUSINESS CARDS
- ** REVISTAS
- ** PANFLETA
- ** FOLDERS
- ** BUKI DI PROGRAMA
- ** Y HOPI OTRO TRABAO MAS

PA TEMPORADA DI CARNAVAL

NOS TIN PRIJS SPECIAL PA POSTERS

NA BO SERVICIO

BAO DI ADMINISTRACION NOBO



WILHELMINASTRAAT 81

Edificio di DIARIO